



Anthon Frederiksen
Inatsisartunut ilaasortaq
Inatsisartut
/MAANI

§ 37 nr. 2015-123-imut akissuteqaat

Inatsisartut Suleriaasianni § 37, imm. 1 naapertorlugu aalisarnermut tunngasunik Naalakkersuisunut apeqquteqaateqarputit. Apeqqutit uannut akineqartussanngortinneqarsimapput.

Apeqqutit:

1. Avaleraasartooriarnissamut atatillugu sooq pisassiissutissanik agguaassinissamut piareersarneq taama kingusitsigaa aamma sooq taama kingusitsigisumik saqqummiunneqarpat?
2. Avaleraasartooriarnissamut qinnuteqarfissaq piffissaritinneqartoq 22. april 2015-imut killilerneqarsimasooq sooruna 6. maj 2015-imut kinguartinneqarsimasooq?
3. Avaleraasartooriarnissamut akuersissutinik aalisariutit nunatsinneersut qanoq amerlatigippat, taakku soorunami salliutinneqarnissaa naatsorsuutigisinnaasuarput?
4. Avaleraasartooriarnissamut pisassiissutit qaqagu agguaanneqassappat?
5. 2015-imi sinerissap qanittuani qalerallitassat amerlineqarnissaat qaqagu atuutilissua?
6. Imartami Kalaallit Nunatta Island-illu akornanni saarullittassiisarnerup Island-iminut pisassaritinneqartunut naapertuunnerusumik aaqqiissuteqarfigneqarnissaa Naalakkersuisut suliniuteqarfiginiaarpat?

Akissut:

1-mut)

Avaleraasartuunik pisassiissutinik agguaassinissami tunngaviutinneqartut ukioq manna ukiut siuliinut naleqqiullugit allaanerupput. Tamatuma saniatigut siornamut naleqqiullugu qinnuteqartut amerlanerusimapput. Pissutsit tamakkua suliap tamatuma, ingerlanneqarneranut pisarnermiit sivitsorsaaqataasimapput.

2-mut)

Qinnuteqarnissamut killiliussap aprillip 22-aniit maajip 6-ta tungaanut sivitsorneqarnera politikikkut aalajangiineruvoq.

3-mut)

Ilumoorpoq kalaallit aalisariutaasa pisassiissutissanik agguaassinissamut atatillugu salliutinnissaat qulakkeerneqarnikummat, kalaallit aalisariutaat 15-it avaleraasartooriarnissamut akuersissummik tunineqarput.

4)-mut

21-05-2015
Suliap normua 2015-115124
Allakkap normua 1968146

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Avaleraasartuunik pisassiissutinik agguaassinissaq pillugu tusagassiuutitigut nalunaarut tamanut saqqummiunneqarpoq 21. maj.

5)-imut

Nutaamik nalunaarutissatut siunnersuutissamik missingiusiortoqarpoq, tamatumingna nalimmassaataasussamik. Pilersaarutaavoq nalunaarutissap tamatuma kingusinnerpaamik augustip 1-ni 2015-imi atuutilersinneqarnissaa.

6)-mut tunngatillugu

2013-imili suliniutinik aallartitsisoqarnikuvoq, taamanilu Naalackersuisunit saarullinniarnermik aqutsinissamut pilersaarut nutaaq akuerineqarluni. Saarullinniarnermik aqutsinissamut 2014-2016-imut pilersaarummi siunertaasut ilaat tassaavoq, Tunumi saarullit pillugit paasissutissanik ilaatigut Kalaallit Nunaanni Pinngortitaleriffiup misissuineratigut angallatinilu misissugassanik tiguisarneratigut katersinissaq. Tamanna marlunnik siunertaqarpoq: tassalu nunatsinni Island-imilu saarullit qanoq akuleriitsiginerannik qulaajaanissaq, tamatumalu kingorna Tunumi/Island-imilu saarullinniarnermik aqutsinerup ataatsimoorussamik ingerlanneqalersinnaanera pillugu oqaloqatigiinnerit aallartillugit. Aqutsinissamut pilersaarut maannakkut ukiut aappassaa ingerlavoq, paasissutissanillu katersineq suli ingerlanneqassalluni, tamatumunngalu peqatigitillugu Kalaallit Nunaata-Island-illu Ataatsimoorussamik Aalisarnermut Ataatsimiititaliaata ataatsimiinnerini pineqartoq oqallisigineqarluni. Nunatta aqutsinissamut pilersaarutaa 2016-imi naappat, Island-ip ataatsimoorussamik aqutseqataanissaata isummerfigineqarnissaa siunertaavoq.

Inussiarnersumik inuulluaqqusillunga

Karl Kristian Kruse